

摘藻堂四庫全書薈要

集部

欽定四庫全書薈要卷一萬四千七百十七

集部

臨川文集卷二十九

宋 王安石 撰

律詩 七言絕句

與道原過西莊遂遊寶乘

庚申正月遊齊安

庚申正月遊齊安有詩壬戌正月再遊

壬戌正月晦與仲元自淮上復至齊安

壬戌五月與和叔同遊齊安

成字說後與曲江譚君丹陽蔡君同遊齊安
元豐二年十月政公改路故作此詩

書定林院牕

同熊伯通自定林過悟真二首

悟真院

傳神自讚

定林院昭文齋

經局感言

鍾山晚步

散策

書靜照師塔

記夢

勘會賀蘭溪主

書湖陰先生壁二首

過劉全美所居

書何氏宅壁

題永慶壁有零遺墨數行

江寧府園示元度

金陵郡齋

戲示蔣穎叔

遊城東示深之德逢

麗澤門

示公佐

示俞秀老二首

示李叔時二首

示寶覺二首

仲元女孫

示永慶院秀老

示王鐸主簿

戲城中故人

戲贈段約之

示俞處士

懷張唐公

憶金陵三首

離昇州作

望淮口

入瓜步望揚州

泊船瓜洲

重過余婆岡市

秦淮泛舟

中書即事

萬事

寄金陵傳神者李士雲

贈外孫

東流頓令罷官阻風示文荅以四句

楊德逢送朱與法雲二老作此詩

送黃吉父將赴南康官歸金谿三首

與道原過西莊遂遊寶乘

周顥宅作阿蘭若妻約身歸宰堵坡今日隱侯孫亦老
偶尋陳迹到煙蘿

一作蕙帳銅屏皆舊
事飄然陳迹在松蘿

庚申正月遊齊安

水南水北重重柳山後山前處處梅未即此身隨物化
年年長趲此時來

庚申正月遊齊安有詩云水南水北重重柳
壬戌正月再遊

招提詩壁漫黃埃忽忽籠紗雨過梅老值白雞能不死

復隨春色破寒來

壬戌正月晦與仲元自淮上復至齊安

風暖柴荆處處開
雪乾沙淨水洄洄
意行却得前年路
看盡梅花看竹來

壬戌五月與和叔同遊齊安

縹成白雪桑重綠
割盡黃雲稻正青
它日玉堂揮翰手
芳時同此賦林垌

成字說後與曲江譚君丹陽蔡君同遊齊安

據梧枝策事如毛久苦諸君共此勞遙望南山堪散釋
故尋西路一登高

元豐二年十月政公改路故作此詩

獨龍東路得平岡始免遊人屐齒妨更有主林身半現
與公隨轉作陰涼

書定林院牕

與安太師同宿既曉問昨夜
有何夢師云有數夢皆忘記

竹雞呼我出華胥起滅篝燈擁燎鑪試問道人何所夢
但言渾忘不言無

同熊伯通自定林過悟真二首

與客東來欲試茶
倦投松石坐欹斜
暗香一陣連風起
知有薔薇澗底花

二

城郭紛紛老倦尋
幅巾來寄北山岑
長遭客子留連我
未快穿雲涉水心

悟真院

野水從橫漱屋除
午牕殘夢鳥相呼
春風日日吹香草

山北山南路欲無

傳神自讚

我與丹青兩幻身世間流轉會成塵但知此物非他物
莫問今人猶昔人

定林院昭文齋

定林齋後鳴禽散只有提壺守屋簷苦勸道人沽美酒
不應無意引陶潛

經局感言

罷相出守江
寧仍領經局

自古能全已不才豈論騏驥與駑駘
放歸自食情雖適
絡首猶存亦可哀

鍾山晚步

小雨輕風落棟花
細紅如雪點平沙
槿籬竹屋江村路
時見宜城賣酒家

散策

散策東岡亦已勞
橫塘西轉有亭臯
絮飛度屋何許柳
花落填溝無數桃

書靜照師塔

簡老已歸黃土陌
淵師今作白頭翁
百憂三十餘年事
陳迹山林草野中

記夢

辛酉九月二十二夜夢高郵土山道人赴蔣山北集雲峯為長老已而坐化復

出山南興國寺與余同卧一榻禪懷山片竹數寸上繞生絲屬余藏之余弃弗取作

詩與之

月入千江體不分
道人非復世間人
鍾山南北安禪地

香火他時共

一作供

兩身

勘會賀蘭溪主

賀蘭溪洛京地名陳繹買地築居於鄆中問之

賀蘭溪上幾株松
南北東西有幾峯
買得住來今幾日
尋常誰與坐從容

書湖陰先生壁二首

茆簷長掃靜無苔
花木成畦手自栽
一水護田將綠繞
兩山排闥送青來

二

桑條索漠楝花繁
風歛餘香暗度垣
黃鳥數聲殘午夢

尚疑身屬半山園

過劉全美所居

西崦晴天得強扶出林知有故人居數能過我論奇字
當復令公見異書

書何氏宅壁

有興提魚就公煮此言雖在已三年皖潯終負幽人約
空對湖山坐惘然

題永慶壁有零遺墨數行

永慶招提墨數行歲時風露每悽傷殘骸豈久人間世
故有情鍾未可忘

江寧府園示元度

畫船南北水遙通日暮幅巾篁竹中行到月臺逢翠碧
背人飛過子城東

金陵郡齋

談經投老拚悠悠為吏文書了即休深炷鑪煙一作香閉

齋閣卧聽簷雨瀉高秋

戲示蔣穎叔

扶衰南陌望長楸燈火如星滿地流但怪傳呼殺風景
豈知禪客夜相投

遊城東示深之德逢

欲牽淮舸共尋源且踏青青繞杏園憶我舊時光宅路
依然桑柳映花繁

麗澤門

麗澤門西日未俄水明沙淨卷纖羅綠瓊洲渚青瑤嶂

付與詩工敢琢磨

示公佐

殘生傷性老耽書年少東來復起予
各據槁梧同不寐
偶然聞雨落堦除

示俞秀老二首

不見故人天際舟小亭殘日更回頭
縹成白雪三千丈
細草孤雲一片愁

二

君詩何以解人愁
初日紅蕖碧水流
未怕元劉妨獨步
每思陶謝與同遊

示李叔時二首

知子鳴絃意在山
一官聊復戲人間
能為白下東南尉
藜杖緇巾得往還

二

千山訪我幾摧輶
清坐來看十日留
勢利白頭何足道
古人傾蓋有綢繆

示寶覺二首

火暖窻明粥一盂
晨興相對寂無魚
超然聖寺山林外
別有禪天好淨居

二

重將壞色染衣裾
共卧鍾山一塢雲
客舍黃梁今始熟
鳥殘红柿昔曾分

仲元女孫

雙鬟嬉戲我庭除
爭挽新花比繡襦
親結香纓知不久

汝翁那更鑷髭鬚

示永慶院秀老

禪房借枕得重欹陳迹脩然尚有詩嗟我與公皆老矣
拂天松栢見栽時

示王鐸主簿

君正忙時我正閒如何同得到鍾山夷門二十年前事
回首黃塵一夢間

戲城中故人

城郭山林路半分君家塵土我家雲莫吹塵土來汚我
我自有雲持寄君

戲贈段約之

竹栢相望數十楹竊花多處復開亭如何更欲通南埭
割我鍾山一半青

示俞處士

魯山眉宇人不見只有歌辭來向東借問樓前踏子為
何如雲卧唱松風

懷張唐公

直諒多為世所排，有懷長向我前開。
暮年惆悵誰知此，南陌東阡獨往來。

憶金陵三首

覆舟山下龍光寺，玄武湖畔五龍堂。
想見舊時遊歷處，煙雲渺渺水茫茫。

二

煙雲渺渺水茫茫，繚繞蕪城一帶長。
蒿目黃塵憂世事，

追思陳迹故難忘

三

追思陳迹故難忘
翠木蒼藤水一方
聞說精廬今更好
好隨殘汴理歸艎

離昇州作

殘菊冥冥風更吹
雨如梅子欲黃時
相看握手揔無語
愁滿眼前心自知

望淮口

白煙瀰漫接天涯
黯黯長空一道斜
有似錢塘江上望
晚潮初落見平沙

入瓜步望揚州

落日平林一水邊
蕪城掩映祗蒼然
白頭追想當時事
幕府青衫最少年

泊船瓜洲

京口瓜洲一水間
鍾山祗隔數重山
春風自綠江南岸
明月何時照我還

重過余婆岡市

憶我東遊未有鬚扶衰重此駐肩輿
市中年少今誰在
魯叟當街六十餘

秦淮泛舟

強扶衰病牽淮舸尚怯春風汴午潮
花與新吾如有意
山於何處不相招

中書即事

投老翻為世網嬰低徊終恐負平生
何時白石岡頭路

金史四庫全書
卷二十九
渡水穿雲取次行

萬事

萬事黃梁欲熟時
世間談笑漫追隨
雞蟲得失何須算
鵬鷃逍遙各自知

寄金陵傳神者李士雲

衰容一見便疑真
李子揮毫故有神
欲去鍾山終不忍
謝渠分我死前身

贈外孫

南山新長鳳凰雛
眉目分明畫不如
年小從他愛梨栗
長成須讀五車書

東流頓令罷官阻
風示文有按風伯
奏天閤之語答以四句

令尹犀舟失去期
憮然凭几占文移
勸君慎莫讒風伯
會有開帆破浪時

楊德逢送米與法雲二老作此詩

盧仝不出憎流俗
我卜郊居避俗憎
仝有鄰僧來乞米

我今送米乞鄰僧

送黃吉父將赴南康官歸金谿三首

柘岡西路白雲深
想子東歸得重尋
亦見舊時紅躑躅
為言春至每傷心

二

還家一笑即芳辰
好與名山作主人
邂逅五湖乘興往
相邀錦繡谷中春

三

歲晚相逢喜且悲
莫占風日恨歸遲
我如逆旅當去客
復會有無那得知

臨川文集卷二十九

欽定四庫全書薈要卷一萬四千七百十八

集部

臨川文集卷三十

宋 王安石 撰

律詩

七言絕句

金陵即事三首

烏塘

柘岡

城北

金陵

午枕

州橋

觀明州圖

九日賜宴瓊林苑

壬子偶題

和張仲通憶鍾陵二首

送和甫至龍安暮歸

鍾山即事

南澗樓

京城

隴東西二首

斜徑

暮春

雨晴

日西

禁直

御柳

祥雲

題中書壁

禁中春寒

試院中

學士院燕侍郎畫圖

道旁大松人取以為明

見鸚鵡戲作四句

池鴈

六年

世故

邵平

中牟

王章

神物

文成

讀漢書

賜也

重將

載酒

楚天

江上

春江

春雨

初到金陵

送和甫至龍安微雨因寄吳氏女子

與北山道人

過外弟飲

若耶溪歸興

烏石

定林

定林所居

臺城寺側獨行

遊鍾山

松間

雨未止正臣欲行以詩留之

金陵即事三首

水際柴門一半開
小橋分路入青苔
背人照影無窮柳
隔屋吹香併是梅

二

結綺臨春歌舞地
荒蹊狹巷兩三家
東風漫漫吹桃李
非復當時仗外花

三

昏黑投林曉更驚
背人相喚百般鳴
柴門長閉春風暖
事外還能見鳥情

烏塘

烏塘渺渺綠平隄
隄上行人各有攜
試問春風何處好
辛夷如雪柘岡西

柘岡

萬事紛紛祇偶然
老來容易得新年
柘岡西路花如雪
迴首春風最可憐

城北

青青千里亂春袍
宿雨催紅出小桃
迴首北城無限思
日酣川淨野雲高

金陵

金陵陳迹老莓苔
南北遊人自往來
最憶春風石城塢

家家桃杏過牆開

午枕

午枕花前簟欲流
日催紅影上簾鉤
窺人鳥喚悠颺夢
隔水山供宛轉愁

州橋

州橋踡月想山椒
迴首哀湍未覺遙
今夜重聞舊嗚咽
却看山月話州橋

觀明州圖

金安
卷三十
明州城郭畫中傳尚記西亭一槩船投老心情非復昔
當時山水故依然

九日賜宴瓊林苑

金明馳道柳參天投老重來聽管絃飽食太官還惜日
夕陽臨水意茫然

壬子偶題

熙寧五年東府庭
下作盆池故作

黃塵投老倦忽忽故遶盆池種水紅落日歌眠何所憶
江湖秋夢艣聲中

和張仲通憶鍾陵二首

一夢章江已十年故人重見想皤然祇應兩岸當時柳
能到春來尚可憐

二

逸少池邊有一丘西山南浦慣曾遊殘年歸去終無樂
聞說章江即淚流

送和甫至龍安暮歸

隱隱西南月一鉤春風落日澹如秋房櫳半掩無人語

鼓角聲中始欲愁

鍾山即事

澗水無聲繞竹流
竹西花草弄春柔
茅簷相對坐終日
一鳥不鳴山更幽

南澗樓

在江寧尉司

撲撲烟嵐遠四阿
物華終恨未能多
故應陡起三千丈
始奈重山複嶺何

京城

三年衣上禁城塵撫事怊然愧古人明月滄波秋萬頃
扁舟長寄夢中身

隴東西二首

隴東流水向東流不肯相隨過隴頭祇有月明西海上
伴人征戍替人愁

二

隴西流水向西流自古相傳到此愁添却征人無限淚
怪來嗚咽已千秋

斜徑

斜徑偶通南埭路
數家遙對北山岑
草頭蛺蝶黃花晚
菱角蜻蜓翠蔓深

暮春

北山吹雨送殘春
南澗朝來綠映人
昨日杏花渾不見
故應隨水到江濱

雨晴

晴明山鳥百般催
不待桃花一半開
雨後綠陰空繞舍

揔將春色付莓苔

日西

日西階影轉梧桐簾卷青山簾半空金鴨火銷沈水冷
悠悠殘夢鳥聲中

禁直

翠木交陰覆兩簷
夜天如水碧潏潏
帝城風月看常好
人世悲哀老自添

御柳

御柳新黃已迸條宮溝薄凍未全消人間今日春多少

祇看東方北斗杓

一作習習春風拂柳條御溝春水已
冰消欲知四海春多少先向天邊問

杓斗

祥雲

冰入春風漲御溝上林花氣欲飛浮未央屋瓦猶殘雪
却為祥雲映日流

題中書壁

夜開金鑰詔辭臣對御抽毫草帝綸須信朝家重儒術

一時同榜用三人

禁中春寒

青

一作浮

煙漠漠雨紛紛水殿西廊北苑門已著單衣猶

禁大海棠花下怯黃昏

試院中

少時操筆坐中庭子墨文章頗自輕聖世選材終用賦
白頭來此試諸生

學士院燕侍郎畫圖

六幅生綃四五峯暮雲樓閣有無中去年今日長千里
遙望鍾山與此同

道旁大松人取以為明

龍甲虬髯不可攀亭亭千丈蔭南山應嗟無地逃斤斧
豈願爭明燭火間

見鸚鵡戲作四句

雲木何時兩翅翻玉籠金鎖祇煩冤真須強學人間語
舉世無人解鳥言

池鴈

羽毛摧落向人愁
當食哀鳴似有求
萬里衡陽冬欲暖
失身元為稻粱謀

六年

六年湖海老侵尋
千里歸來一寸心
西望國門搔短髮
九天宮闕五雲深

世故

世故紛紛漫白頭
欲尋歸路更遲留
鍾山北繞無窮水

散髮何時一釣舟

邵平

天下紛紛未一家
販繒屠狗尚雄夸
東陵豈是無能者
獨傍青門手種瓜

中牟

頽城百雉擁高秋
驅馬臨風想聖丘
此道門人多未悟
爾來千載判悠悠

王章

壯一作志

士軒昂非自謀近臣當為國深憂區區女子無

高意追念牛衣暖即休

神物

神物登天擾可騎如何孔甲但能羈當時若更無劉累
龍意茫然豈得知

文成

文成五利老紛紛方丈蓬萊但可聞萬里出師求寶馬
飄然空有意凌雲

讀漢書

京房劉向各稱忠諫獄當時跡自窮畢竟論心異恭顯
不妨迷國畧相同

賜也

賜也能言未識真誤將心許漢陰人桔槔俯仰妨何事
抱甕區區老此身

重將

重將白髮旁牆陰陳迹茫然不可尋花鳥揔知春爛熳

人間獨自有傷心

載酒

載酒欲尋江上舟
出門無路水交流
黃昏獨倚春風立
看却花飛觸地愁

楚天

楚天如夢水悠悠
花底殘紅漫不收
獨繞去年揮淚處
還將牢落對滄洲

江上

江北秋陰一半開
晚雲含雨却低回
青山繚繞疑無路
忽見千帆隱映來

春江

春江渺渺抱牆流
煙草茸茸一片愁
吹盡柳花人不見
青旗催日下城頭

春雨

城雲如夢柳如愁
野水橫來強滿池
九十日春渾得雨
故應留潤作花時

初到金陵

江湖歸不及花時
空遶扶疎綠玉枝
夜直去年看蓓蕾
晝眠今日對紛披

送和甫至龍安微雨因寄吳氏女子

荒煙涼雨助人悲
淚染衣巾不自知
除却春風沙際綠
一如看汝過江時

與北山道人

蔣果疏泉帶淺山
柴門雖設要常關
別開小徑連松路

祇與隣僧約往還

過外弟飲

一自君家把酒杯六年波浪與塵埃不知烏石岡邊路
至老相尋得幾回

若耶溪歸興

若耶溪上踏莓苔興罷張帆載酒回汀草岸花渾不見
青山無數逐人來

烏石

烏石岡邊繚繞山柴荆細路

一作徑

水雲間吹

一作拈

花嚼

藥長來往祇有春風似我閒

定林

定林青

一作修又作喬

木老參天橫貫東南一道泉六月杖藜

尋石路午陰多處弄潺湲

定林所居

屋繞灣溪竹繞山溪山却在白雲間
臨溪放艇依山坐
溪鳥山花共我閒

臺城寺側獨行

春山撩亂水縱橫
籬落荒畦草自生
獨往獨來山下路
筍輿看得綠陰成

遊鍾山

終日看山不厭山
買山終待老山間
山花落盡山長在
山水空流山自閒

松間

被召將
行作

偶向松間覓舊題
野人休誦北山移
丈夫出處非無意

猿鶴從來不自知

雨未止正臣欲行以詩留之


紛紛應接使人愁與子從容喜問酬他日故將泥自庇
今朝欲以雨相留

臨川文集卷三十

謹案卷二十八第五頁前七行金山只隔數重山
刊本金訛鍾據別本改

卷三十第九頁後一行人間今日春多少按別本
作不知人世春多少





總校官庶吉士

臣

張能照

校對官檢討

臣

蕭九成

謄錄監生

臣

李本

欽定四庫全書薈要

集部

臨川文集卷三十一至三



詳校官助教臣常循

欽定四庫全書薈要卷一萬四千七百十九

集部

臨川文集卷三十一

宋 王安石 撰

律詩 七言絕句

題張司業詩

同陳和叔遊北山

次吳氏女子韻二首

即席

遊城南即事二首

寄沈道原

哭張唐公

生日次韻南郭子二首

八公山

過徐城

送丁廓秀才歸汝陰二首

和惠思韻二首

送王石甫學士知湖州

懷鍾山

江寧夾口三首

寄碧巖道光法師

省中二首

宗政殿後春晴即事

省中沈文通廳事

吳任道說應舉時事

送河中通判朱郎中迎母東歸

寄題杭州明慶院修廣師明碧軒

夜直

試院中四首

人間

後殿牡丹未開

春日

寄韓持國

答韓持國

出城

涿州

出塞

入塞

書汜水關寺壁

題北山隱居王閒叟壁

和惠思歲二日二絕

赴召道中

江東召歸

平甫如通州寄之

寄顯道

和平父寄道光法師

三品石

和崔公度家風琴八首

送陳靖中舍歸武陵

北山

適意

辱井

題金沙

夜聞流水

詠月三首

題張司業詩

蘇州司業詩名老樂府皆言妙入神看似尋常最奇崛
成如容易却艱辛

同陳和叔遊北山

春風蕩屋雨填溝東閣脩然擁蜀裘鄰壁黃梁炊未熟
喚迴殘夢有鳴騶

次吳氏女子韻

吳氏詩云西風不入小窻紗
秋氣應憐我憶家極目江南

千里恨依然和淚看黃花南朝九日
臺在孫陵曲街旁去吾園只數百步

孫陵西曲岸烏紗知汝淒涼正憶家人世豈能無聚散
亦逢佳節且吹花

再次前韻

秋燈一點映籠紗
好讀楞嚴莫念家
了諸緣如夢事
世間唯有妙蓮花

即席

曲沼融融泮盡澌
暖煙籠瓦碧參差
人情共恨春猶淺
不問寒梅有幾枝

遊城南即事二首

神姦變化久難知
禹鼎由來更不疑
螭魅合謀非一日
太丘真復社亡遲

二

秦壇東路遶重營獨背朝陽信馬行漫道城南天尺五
荒林時見一柴荆

寄沈道原

城郭千家一彈丸蜀岡擁腫作蛇蟠眼前不道無蒼翠
偷得鍾山隔水看

哭張唐公

堂

一作崇

邑山林久寂寥屬車前日駐雞翹冥冥獨鳳隨

雲霧

一作知何處

南陌空聞引葵簫

生日次韻南郭子二首

救黥醫劓世無方
斷簡陳編付藥房
祝我壽齡君好語
毗耶一夜滿城香

二

寒逼清枝故有梅
草堂先對白頭開
殘骸已若雞年夢
猶見騷人幾度來

八公山

淮山但有八公名鴻寶燒金竟不成身與仙人守都廁
可能雞犬得長生

過徐城

七年五過徐城縣自笑皇皇此世間安得身如倉庾氏
一官能到子孫間

送丁廓秀才歸汝陰二首

好去翩然丁令威昔人且在不應非淮雲豈與遼天闊
想復留情故一歸

二

西州行路日蕭條
執手傷懷不自聊
遊子故鄉終念返
豈能無意冶城潮

和惠思韻二首

醴泉觀

邂逅相隨一日閒
或緣香火共靈山
夕陽興罷黃塵陌
直似蓬萊墮世間

蟬

白下長干何可見風塵愁殺庾蘭成
去年今日青松路亦自聞蟬第一聲

送王石甫學士知湖州

吳興太守美如何柳惲詩才未足多
遙想郡人迎下擔白蘋洲渚正滄波

懷鍾山

投老歸來供奉班塵埃無復見鍾山
何須更待黃粱熟始覺人間是夢間

江寧夾口三首

茅屋滄洲一酒旗
午煙孤起隔林炊
江清日暖蘆花轉

秖一作恰似春風柳絮時

二

月墮浮雲水捲空
滄洲夜泝五更風
北山草木何由見
夢盡青燈展轉中

三

落帆江口月黃昏
小店無燈欲閉門
側出岸沙楓半死

繫船應有去年痕

寄碧巖道光法師

去馬來車擾擾塵自難長寄水雲身
碧巖後主今為客
何況開山說法人

省中

萬事悠悠心自知強顏於世轉參差
移牀獨卧秋風裏
靜看蜘蛛結網絲

二

大梁春雪滿城泥一馬常瞻落日歸身世自知還自笑
悠悠三十九年非

崇政殿後春晴即事

悠悠獨夢水西軒百舌枝頭語更繁山鳥不應知地禁
亦逢春暖即啾喧

省中沈文通廳事

竹上秋風吹網絲角門常閉吏人稀蕭蕭一榻卷書坐
直到日斜騎馬歸

吳任道說應舉時事

縣瓠城南陂水深春泥滿眼路嶮嶇
欽獨騎瘦馬衝殘雨
前伴茫茫不可尋

送河中通判朱郎中迎母東歸

綵衣東笑上歸船
萊氏歡娛在晚年
嗟我白頭生意盡
看君今日更悽然

寄題杭州明慶院修廣師明碧軒

明碧軒南竹數叢
別來江外幾秋風
道人無復人間世

嗟我今為白髮翁

夜直

金爐香盡漏聲殘
翦翦輕風陣陣寒
春色惱人眠不得
月移花影上欄干

試院中

白髮無聊病更侵
移床卧竹向秋陰
朝來鴈背西風急
吹折江湖萬里心

二

咫尺淹留可奈何東西虛共一姮娥
堦前棗樹應搖落此夜清光得幾多

三

青燈照我夢城西坐上傳觴把菊枝
忽忽覺來頭更白隔牆聞語趁朝時

四

蕭蕭疎雨吹簷角噓噓暝蛩啼草根
間却荒庭歸未得一燈明滅照黃昏

人間

人間投老事紛紛才薄何能強致君一馬黃塵南陌路
眼中唯見北山雲

後殿牡丹未開

紅襖未開如婉婉紫囊猶結想芳菲此花似欲留人住
山鳥無端勸我歸

春日

柴門照水見青苔春遶花枝漫漫開路遠遊人行不到

日長啼鳥去還來

寄韓持國

淥遶宮城漫漫流鵝黃小蝶弄春柔問知公子朝陵去
歸得花時却自愁

答韓持國

知公尚憶洛城中醉裏穿花滿袖風花亦有知還有恨
今為紅藥主人翁

出城

慣作野人多野興
欲為時用少時材
出城偶與沙塵背
轉覺谿山入眼來

涿州

涿州沙上望桑乾
鞍馬春風特地寒
萬里如今持漢節
却尋此路使呼韓

出塞

涿州沙上飲盤桓
看舞春風小契丹
塞雨巧催燕淚落
濛濛吹濕漢衣冠

入塞

荒雲涼雨水悠悠
鞍馬東西鼓吹休
尚有燕人數行淚
回身却望塞南流

書汜水關寺壁

汜水鴻溝楚漢間
跳兵走馬百重山
如何咫尺商於地
便有園公綺季閒

題北山隱居王閒叟壁

荒村日午未開門
雨後餘花滿地存
舉世但知旌隱逸

誰人知道是王孫

和惠思歲二日二絕

懶讀書來已數年
從人嘲我腹便便
為嫌歸舍兒童聒
故就僧房借榻眠

二

沙磧藏春未放來
荒庭終日守陳荄
遙憐草色裙腰綠
湖寺西南一徑開

赴召道中

海氣冥冥漲楚氛
汀洲回薄水橫分
青松十里鍾山路
祇隔西南一片雲

江東召歸

昨日君恩悞賜環
歸腸一夜繞鍾山
雖然眷戀明時祿
羞見琅邪有邨丹

平甫如通州寄之

北山搖落水崢嶸
想見揚帆出廣陵
平世自無憂國事
求田應不忤陳登

寄顯道

舟約刀頭止歲前故人專使手書傳出門江口問消息
極目寒沙空渺然

和平父寄道光法師

欲見道人非一朝杖藜無路到青霄千巖萬壑排風雨
想對銅鑪栢子燒

三品石

草沒苔侵弃道周誤恩三品竟何酬國亡今日頑無耻

似為當年不與謀

和崔公度家風琴八首

屋山終日信飄飄似與幽人破寂寥為有機心須強聒
直教懸解始聲消

二

簾幕無風起沈寥誰悲精鐵任飄飄隨商應角知無意
不待歌成韻已消

三

萬物能鳴為不平世間歌哭兩營營君知此物心何欲
自信天機自有聲

四

風鐵相敲固可鳴朔兵行夜響行營如何清世容高卧
翻作幽窻枕上聲

五

南風屋角響蕭蕭白日簾垂坐寂寥愛此宮商有真意
與君傾耳盡今朝

六

風來風去豈嘗要隨分鏗鏘與寂寥不似人間古鍾磬
從來文飾到今朝

七

繫身高處本無心萬竅鳴時有玉音欲作鏤鐫為物使
知君能笑不祥金

八

疏鐵簷間挂作琴清風纔到遽成音伊人欲問無真意

向道從來不博金

送陳靖中舍歸武陵

知君欲上武陵溪水自東流人自西到日桃花應已謝
想君應不為花迷

北山

剡木為舟數丈餘卧看風月映芙蓉清香一陣渾無暑
時有驚鰲躍出魚

適意

一燈相伴十餘年舊事陳言知幾編到了不如無累後
困來顛倒枕書眠

辱井

結綺臨春草一丘尚殘宮井戒千秋奢淫自是前王耻
不到龍沈亦可羞

題金沙

海棠開後數金沙高架層層吐絳葩咫尺西城無力到
不知誰賞魏家花

夜聞流水

千丈崩奔落石碕
秋聲散入夜雲悲
州橋月下聞流水
不忘鍾山獨宿時

詠月三首

寒光乍洗山川瑩
清影遙分草樹纖
萬里更無雲物動
中天只有兔隨蟾

二

江海清明上下兼
碧天遙見一毫纖
此時只欲浮雲盡

窟穴何妨有鬼蟾

三

一片清光萬里兼
幾回圓極又纖纖
君看出沒非無意
豈為辛勤養玉蟾

臨川文集卷三十一

欽定四庫全書薈要卷一萬四千七百二十

集部

臨川文集卷三十二 宋 王安石 撰

律詩 七言絕句

次韻杏花三首

杏園即事

宋城道中

對客

愍儒坑

遇雪

殊勝淵師示寂

懷舊

訪隱者

海棠花

證聖寺杏接梅花未開

雜詠五首

書陳祈兄弟屋壁

郊行

破冢二首

題景德寺試院壁

金陵報恩大師西堂方丈二首

題正覺院穉龍軒二首

相州古瓦硯

望夫石

山前

金定四庫全書
卷三十二
江雨

揚子二首

獨卧二首

孟子

商鞅

蘇秦

范睢

張良

曹參

韓信

伯牙

范增二首

賈生

兩生

謝安

世上

讀後漢書

讀蜀志

讀唐書

讀開成事

別和甫赴南徐

寄茶與和甫

寄茶與平甫

戲長安嶺石

代荅

促織

臘享

次韻杏花三首

只愁風雨劫春回
怕見枝頭爛漫開
野鳥不知人意緒
啄教零亂點蒼苔

二

心憐紅藥與移栽
不惜年年糞壤培
風雨無時誰會得

欲教零亂強催開

三

看時高艷先驚眼折處幽香易滿懷
野女強簪看亦醜
少教憔悴逐荆釵

杏園即事

蟠桃移種杏園初紅抹燕脂嫩臉蘇
聞道飄零落人世
清香得似舊時無

宋城道中

都城花木久知春北路餘寒尚中人宿草連雲青未得
東風無賴只驚塵

對客

窻壁風回午枕涼清談相對一胡牀心知帝力同天地
能使人間白日長

愍儒坑

智力區區不為身欲將何力助強秦只應埋沒千秋後
更足詩書發冢人

金史四庫全書
卷三十二
遇雪

定知花發是歸期不奈歸心日日歸風雪豈知行客恨
向人更作落花飛

殊勝淵師八十餘因見訪問之近來如何荅
曰隨緣而已至示寂作是詩

寄託荒山鬼與鄰一生黃卷不離身百年薪盡隨緣去
莫學緇郎更誤人

懷舊

吹破春冰水放光
山花澗草百般香
身間處處堪行樂
何事低徊兩鬢霜

訪隱者

童子穿雲晚未歸
誰收松下著殘碁
先生醉卧落花裏
春去人間總不知

海棠花

綠驕隱約眉輕掃
紅嫩妖嬈臉薄粧
巧筆寫傳功未盡
清才吟詠興何長

證聖寺杏接梅花未開

紅藥曾遊此地來
青青今見數枝梅
只應尚有嬌春意
不肯凌寒取次開

雜詠五首

勲業無成照水羞
黃塵入眼見山愁
煙中漠漠江南岸
更與家人一少留

二

白頭重到太寧宮
玉珮瓊琚在眼中
歌舞可憐人暗換

花開花落幾春風

三

朝陽映屋擁書眠夢想鍾山一慨然
投老安能長忍垢會當歸此濯寒泉

四

烏石岡頭躑躅紅東江柳色漲春風
物華人意曾相值永日留連草莽中

五

小雨蕭蕭潤水亭
花風颭颭破浮萍
看花聽竹心無事
風竹聲中作醉醒

書陳祈兄弟屋壁

千里歸來倦宦身
欲尋田宅豫求鄰
能將孝友傳家世
鄉邑如君更幾人

郊行

柔桑採盡綠陰稀
蘆箔蠶成密繭肥
聊向村家問風俗
如何勤苦尚凶飢

破冢二首

埋沒殘碑草自春
旋風時出地中塵
墻間夜半分珠玉
猶是當時乞祭人

二

殘檟穿來欲幾春
蕭蕭長草沒騏驎
墻間或有樵蕪客
未必他年醉飽人

題景德寺試院壁

至和三年
八月十日

屋東瓜蔓已扶疎
小石藍花破萼初
從此到寒能幾日

風沙還見一年除

金陵報恩大師西堂方丈二首

簷花映日午風薰
時有黃鸝隔竹聞
香爇一鑪春睡足
上方車馬正紛紛

二

蕭蕭出屋千竿玉
靄靄當牕一炷雲
心力長年人事外
種花移石尚殷勤

題正覺院籜龍軒二首

北軒名字經平子愛此吾能為賦詩
山雨江風一披拂
籜龍還自有吟時

二

仙事茫茫不可知籜龍空此見孫枝
壺中若有間天地
何苦歸來問葛陂

相州古瓦硯

吹盡西陵歌舞塵當時屋瓦始稱珍
甄陶往往成今手
尚託聲名動世人

望夫石

雲鬟煙鬢與誰期
一去天邊更不歸
還似九疑山下女
千秋長望舜裳衣

山前

山前溪水漲潺潺
山後雲埋不見山
不趁雨來耕水際
即穿雲去卧山間

江雨

冥冥江雨濕黃昏
天入滄洲漫不分
北澗欲通南澗水

南山正遶北山雲

揚子二首

儒者陵夷此道窮千秋止有一揚雄當時薦口終虛語
賦擬相如却未工

二

道真沉溺九流渾獨汧顏波討得源歲晚強顏天祿閣
祇將奇字與人言

獨卧二首

誰有勸穰不自操可憐園地滿蓬蒿欲尋春物無蹊徑
獨卧南牀白日高

一作自高

二

茅簷午影轉悠悠門閉青苔水亂流百轉黃鸝看不見
海棠無數出牆頭

孟子

沉魄浮魂不可招遺編一讀想風標何妨舉世嫌迂濶
故有斯人慰寂寥

商鞅

自古驅民在信誠一言為重百金輕今人未可非商鞅
商鞅能令政必行

蘓秦

已分將身死勢權惡名磨滅幾何年想君魂魄千秋後
却悔初無二項田

范雎

范雎相秦傾九州一言立斷魏齊頭世間禍故不可忽

金史四庫全書
卷三十二
箕中死屍能報讎

張良

漢業存亡俯仰中留侯當

一作於

此每從容固陵始議韓

彭地複道方圖雍齒封

曹參

束髮河山百戰功白頭富貴亦成空
華堂不著新歌舞
却要區區一老翁

韓信

貧賤侵凌富貴驕功名無復在芻蕘將軍北面師降虜
此事人間久寂寥

伯牙

千載朱弦無此悲欲彈孤絕鬼神疑故人捨我閉黃壤
流水高山心自知

范增二首

中原秦鹿待新羈力戰紛紛此一時有道弔民天即助
不知何用牧羊兒

二

鄴人七十漫多奇為漢毆民了不知誰合軍中稱亞父
直須推讓外黃兒

賈生

一時謀議略施行誰道君王薄賈生爵位自高言盡廢
古來何啻萬公卿

兩生

兩生才器亦超羣黑白何勞強自分好與騎奴同一處

此時俱事衛將軍

謝安

謝公才業自超羣誤長清談助世紛秦晉區區等亡國
可能王衍勝商君

世上

范蠡五湖收遠迹管寧滄海寄餘生可憐世上風波惡
最有仁賢不敢行

讀後漢書

銅黨紛紛果是非當時高士見精微可憐竇武陳蕃輩
欲與天爭漢鼎歸

讀蜀志

千載紛爭共一毛可憐身世兩徒勞無人語與劉玄德
問舍求田意最高

讀唐書

志士無時亦少成中才隨世就功名并汾諸子何為者
坐與文皇立太平

讀開成事

姦罔紛紛不為明有心天下共無成空令執筆螭頭者
日記君臣口舌爭

別和甫赴南徐

都城落日馬蕭蕭雨壓春風暗柳條天際歸艎那可望
只將心寄海門潮

寄茶與和甫

綵絳縫囊海上舟月團蒼潤紫煙浮集英殿裏春風晚

分到并門想麥秋

寄茶與平甫

碧月團團墮九天封題寄與洛中仙
石樓試水宜頻啜金谷看花莫漫煎

戲長安嶺石

附巖憑崖宜易躋無心應合與雲齊
橫身勢欲填滄海肯為行人惜馬蹄

代荅

破車傷馬亦天成所託雖高豈自營四海不無容足地
行人何事此中行

促織

金屏翠幔與秋宜得此年年醉不知祇向貧家促機杼
幾家能有一絢絲

臘享

明星慘澹月參差萬竅含風各自悲人散廟門燈火盡
却尋殘夢獨多時

臨川文集卷三十二

欽定四庫全書薈要卷一萬四千七百二十一集部

臨川文集卷三十三

宋 王安石 撰

律詩 七言絕句

杏花

城東寺菊

拒霜花

燕

吐綬雞

黃鸝

蝶

暮春

真州東園作

過皖口

發粟至石陂寺

別皖口

別瀟皖二山

舒州被召試不赴偶書

舟過長蘆

金山三首

泊姚江

遊鍾山

龍泉寺石井二首

興國樓上作

別瀟閣

杭州望湖樓回馬上作呈玉汝樂道

奉和景純十四丈三絕

臨津

汀沙

西山

和文淑

春入

暮春

烏江亭

漢武

諸葛武侯

望越亭

春日席上

句容道中

晏望驛釋舟走信州

祈澤寺見許堅題詩



送陳景初

巫峽

徐秀才園亭

中茅峯石上得徐錯篆字題名

欲雪

上元夜戲作

石竹花

黃花

木芙蓉

精衛

戲贈育王虛白長老

黃河

東江

北望

驪山

縣舍西亭二首

鐵幢浦

臨吳亭作

蘇州道中順風

杏花

垂楊一徑紫苔封人語蕭蕭院落中
獨有杏花如喚客
倚牆斜日數枝紅

城東寺菊

黃花漠漠弄秋暉無數蜜蜂花上飛
不忍獨醒孤爾去

慙慙為折一枝歸

拒霜花

落盡羣花獨自芳
紅英渾欲拒嚴霜
開元天子千秋節
戚里人家永露囊

燕

處處定知秋後別
年年長向社前逢
行藏自欲追時節
豈是人間不見容

吐綬雞

樊籠寄食老低摧
組麗深藏肯自媒
天日清明聊一吐
兒童初見互驚猜

黃鸝

野花吹盡竹娟娟
尚有黃鸝最可憐
姪姍不知緣底事
背人飛過北山前

蝶

翅輕於粉薄於繒
長被花牽不自勝
若信莊周尚非我
豈能投死為韓憑

暮春

無限殘紅著地飛
谿頭煙樹翠相圍
楊花獨得東風意
相逐晴空去不歸

真州東園作

十年歷遍人間事
却遶新花認故叢
南北此身知幾日
山川長在淚痕中

過皖口

皖城西去百重山
陳迹今埋杳靄間
白髮行藏空自感

金
卷三十三
春風江水照衰顏

發粟至石陂寺

驀水穿山近更賒
三更燃火飯僧家
乘田有秩難逃責
從事雖勤敢嘆嗟

別皖口

浮煙漠漠細沙平
飛雨濺濺嫩水生
異日不知來照影
更添華髮幾千莖

別瀟皖二山

鄉壘新恩借舊朱
欲辭濡皖更躊躇
攢峰列岫應譏我
飽食窮年報禮虛

舒州被召試不赴偶書

戴盆難與望天兼
自怪虛名亦自嫌
槁壤太牢俱有味
可能蚯蚓獨清廉

舟過長蘆

木落草搖洲渚昏
泊船深閉雨中門
回燈只欲尋歸夢
兒女紛紛強笑言

金山三首

北櫺南檣泊四垂，共憐金碧爛參差。
孤根萬丈滄波底，除却蛟龍世不知。

二

波瀾蕩沃乾坤大，氣象包藏水石間。
祇有此中宜曠望，誰令天作海門山。

三

天日蒼茫海氣深，一船西去此登臨。
丹樓碧閣皆時事，

只有江山古到今

泊姚江

山如碧浪翻江去水似青天照眼明
喚取仙人來住此莫教辛苦上層城

遊鍾山

兩山松櫟暗朱藤一水中間勝武陵
午梵隔雲知有寺夕陽歸去不逢僧

龍泉寺石井二首

山腰石有千年潤海

一作石

眼泉無一日乾天下蒼生待

霖雨不知龍向此中蟠

二

人傳湫水未嘗枯滿底蒼苔亂髮麤四海旱多霖雨少
此中端有卧龍無

興國樓上作

松篁不動翠相重日射流塵四散紅地上行人愁暍死
那知高處有清風

別瀟閣

一溪清瀉百山重風物能留那曼容
後夜肯思幽興極月明孤影伴寒松

杭州望湖樓回馬上作呈玉汝樂
道

水光山氣碧浮浮落日將歸又少留
從此祇應長入夢夢中還與故人遊

奉和景純十四丈三絕

身先諸老幹樞機再見王門闔左扉但恨東歸相值晚
豈知臨別更心違

二

幾年相約在林丘眼見京江更阻遊遺我珠璣何以報
恨無瑤玉與公舟

三

藏春花木望中迷水複山長道阻躋怙悵老年塵世累
無因重到武陵溪

臨津

臨津豔豔花千樹
夾徑斜斜柳數行
却憶金明池上路
紅裙爭看綠衣郎

汀沙

汀沙雪漫水溶溶
睡鴨殘蘆掩靄中
歸去北人多憶此
家家圖畫有屏風

西山

西山映水碧潭潭
楚老長謠淚滿衫
但道使君畱不得

那知肯更憶江南

和文淑

張氏女弟

天梯雲棧蜀山岑
下視嘉陵水萬尋
我得一舟江上去
恐君東望亦傷心

春入

春入園林百草香
池塘冰散水生光
身閒是處堪攜手
何事低徊兩鬢霜

暮春

芙蓉的歷抽新葉
首宿闌干放晚花
白下門東春已老
莫嗔楊柳可藏鴉

烏江亭

百戰疲勞壯士哀
中原一敗勢難迴
江東子弟今雖在
肯與君王卷土來

漢武

壯士悲歌出塞頻
中原蕭瑟半無人
君王不負長陵約
直欲功成賞漢臣

諸葛武侯

慟哭揚顓為一言餘風今日更誰傳
區區庸蜀支吳魏不是虛心豈得賢

望越亭

亂山千頃翠相圍衮衮滄江去復歸
安得病身生羽翼長隨沙鳥自由飛

春日席上

十年流落負歸期臨水登山各有思
今日樽前千萬恨

不堪頻唱鷓鴣辭

句容道中

荒煙寒雨暮山重草木冥冥但有風
二十四年三往返
一身多在百憂中

晏望驛釋舟走信州

病起行山山更險下窮溪谷上通天
乘高欲作東南望
青壁松杉滿我前

祈澤寺見許堅題詩

藹藹春風入水村
森森喬木映朱門
高人遺蹟空佳句
誰識旌陽後世孫

送陳景初

陳善醫

慘淡淮山水墨秋
行人不飲奈離愁
藥囊直入長安市
誰識柴車載伯休

巫峽

神女音容詎可求
青山回抱楚宮樓
朝朝暮暮空雲雨
不盡襄王萬古愁

徐秀才園亭

茂松脩竹翠紛紛
正得山阿與水濱
笑傲一生雖自樂
有司還欲選方聞

中茅峰石上徐錯篆字題名

百年風雨草苔昏
尚有當年墨法存
祇恐終隨嶧碑盡
西風吹燒滿秋原

欲雪

天上雲驕未肯同
晚來雪意已填空
欲開新酒邀嘉客

更待天花落坐中

上元夜戲作

馬頭乘興尚誰先
曲巷橫街一一穿
盡道滿城無國豔
不知朱戶鎖嬋娟

石竹花

春歸幽谷始成叢
地面分敷淺淺紅
車馬不臨誰見賞
可憐亦解度春風

黃花

四月揚州芍藥多先時為別苦風波還家忽忽驚秋色
獨見黃花出短莎

木芙蓉

水邊無數木芙蓉露染燕脂色未濃正似美人初醉著
強擡青鏡欲粧慵

精衛

帝子銜冤久未平區區微意欲何成情知木石無云補
待見桑田幾變更

戲贈育王虛白長老

白雲山頂病禪師
昔日公卿各贈詩
行盡四方年八十
却歸荒寺有誰知

黃河

派出崑崙五色流
一支黃濁貫中州
吹沙走浪幾千里
轉側屋間無處求

東江

東江木落水分洪
伐盡黃蘆洲渚空
南澗夕陽煙自起

西山漠漠有無中

北望

欲望淮南更白頭
杖藜蕭颯倚滄洲
可憐新月為誰好
無數晚山相對愁

驪山

六籍燃除士不磨
驪山如此盜兵何
五陵珠玉歸人世
却為詩書發冢多

縣舍西亭二首

山根移竹水邊栽已見新篁破嫩苔可惜主人官便滿
無因長向此徘徊

二

主人將去菊初栽落盡黃花去却迴到得明年官又滿
不知誰見此花開

鐵幢浦

憶昨初為海上行日斜來往看潮生如今身是西歸去
回首山川覺有情

臨吳亭作

補穿葺漏僅區區志義殊嗟士大夫欲致太平非一日
謾勞使者報新書

蘇州道中順風

北風一夕阻東舟清早飛帆落虎丘運數本來無得喪
人生萬事不須謀

臨川文集卷三十三

謹案卷三十一第四頁後五行依然和泪看黃花
刊本然訛前據別本改

第八頁前五行滄州夜汴五更風刊本夜汴訛店
圻據別本改


第十二頁後八行舉世但知旌隱逸刊本但知訛
位能據別本改

卷三十三第七頁後八行一船西去此登臨按別
本作每來高處一登臨

第八頁後四行人傳湫水未嘗枯按湫水別本作
此井

第十一頁後二行慟哭楊顥為一言刊本楊訛何
據通鑑改

第十六頁前一行臨吳亭作按臨疑勾字之誤



總校官庶吉士

臣

張能照

校對官檢討

臣

蕭九成

謄錄監生

臣

李本

謄錄舉人

臣

張昱

欽定四庫全書薈要

集部
臨川文集卷三十六
四至

詳校官助教臣常循



欽定四庫全書薈要卷一萬四千七百二十二

集部

臨川文集卷三十四

宋 王安石 撰

律詩

七言絕句

送僧惠思歸錢塘

松江

秋日

中秋夕寄平甫諸弟

靈山



荷花

殘菊

竹窻

出定力院作

寄育王大覺禪師

送僧遊天台

次韻張仲通水軒

送陳令

無錫寄正之

謾成

初晴

釣者

將次鎮南

出金陵

酬王微之

題玉光亭

贈僧

嘲叔孫通

和淨因有作

張工部廟

次韻和張仲通見寄三首

宣州府君喪過金陵

觀王氏雪圖

韓子

宰嚭

郭解

古寺

越人以幕養花因遊其下二首

魚兒

離鄞至菁江東望

信州迴車館中作二首

天童山溪上

鄞縣西亭

寄和甫

寄伯兄

別鄞女

真州馬上作

登飛來峯

讀漢功臣表

詠月

金山

疊翠亭

默默

達本

寓言二首

偶書

揚子

讀維摩經有感

春日即事

贈安大師

送李生白華巖修道

寄道光大師

示報寧長老

紅梨

鷓鴣

驢二首

送僧惠思歸錢塘

淥淨堂前湖水淥歸時正復有荷花花前亦見餘杭姥
為道仙人憶酒家

松江

來時還似去時天欲道來時已惘然祇有松江橋下水
無情長送去來船

秋日

莫言草木未知秋今日風雲已自愁獨傍黃塵騎一馬

行看蕭索聽颼颼

中秋夕寄平甫諸弟

浮雲吹盡數秋毫
燭燭金波滿滿醪
千里得君詩挑戰
夜壇誰敢將風騷

靈山

靈山寧與世為仇
斤斧侵凌自不休
水玉比來聞長價
市人無數起相讐

荷花

亭亭風露擁川坻天放嬌嬈豈自知一舸超然他日事
故應將爾當西施

殘菊

黃昏風雨打園林殘菊飄零滿地金攬得一枝猶好在
可憐公子惜花心

竹窻

竹窻紅覓兩三根山色遙供水際門只我近知牆下路
能將屐齒記苔痕

出定力院作

江上悠悠不見人
十年塵垢夢中身
慙慙為解丁香結
放出枝間自在春

寄育王大覺禪師

山木悲鳴水怒流
百蟲專夜思高秋
道人方丈應無夢
想復長吟擬慧休

送僧遊天台

天台一萬八千丈
歲晏老僧攜錫歸
前程好景解吟否

密雪亂雲緘翠微

次韻張仲通水軒

池雨含煙暝不收
草根長見水交流
愛君古錦囊中句
解道今秋似去秋

送陳令

長谿流水碧潺潺
古木蒼藤暗兩山
把臂道人今在否
長官白首尚人間

無錫寄正之

健席高檣送病身
亂山荒隴障歸津
應須一曲千回首
西去論心更幾人

謾成

清時無路取封侯
病卧牛衣已數秋
日月不膠時易失
感今懷昔使人愁

初晴

一抹明霞黯淡紅
瓦溝已見雪花融
前山未放曉寒散
猶鎖白雲三兩峰

釣者

釣國平生豈有心
解甘身與世浮沉
應知渭水車中老
自是君王著意深

將次鎮南

豫章江面朔風驚
浩蕩帆船破浪行
目送家山無幾許
千年空想螭蜺聲

出金陵

白石岡頭草木深
春風相與散衣襟
浮雲映郭留佳氣

飛鳥隨人作好音

酬王微之

一雨迴飈助薜收
炎曦不復畏金流
君家咫尺堪乘興
想岸烏紗對奕秋

題玉光亭

傳聞天下此埋堙
千古誰分偽與真
每向小庭風月夜
却疑山水有精神

贈僧

紛紛擾擾十年間
世事何嘗不強顏
亦欲心如秋水靜
應須身似嶺雲閒

嘲叔孫通

馬上功成不喜文
叔孫繇繇共經綸
諸君可笑貪君賜
便許當時作聖人

和淨因有作

朝紅一片墮牕塵
禪客翛然感此辰
更覺城中芳意少
不如山野早知春

張工部廟

使節紛紛下禁中
幾人曾到此城東
獨君遺像今如在
廟食真須德與功

次韻和張仲通見寄三首

高山流水意無窮
三尺空絃膝上桐
默默此時誰會得
坐凭江閣看飛鴻

二

收拾乾坤付一壺
世間無物直錨鉅
醉鄉舊業拋來久

更欲因君稍問塗

三

歌枕狂歌擊唾壺
直將軒冕等錙銖
醉鄉岐路君知否
不似人間足畏塗

宣州府君喪過金陵

百年難盡此身悲
眼入春風祇涕洟
花發鳥啼皆有思
忍尋常棣鶻鴒詩

觀王氏雪圖

崔嵬相映雪重重茅屋柴門在半峯想有幽人遺世事
獨臨青峭倚長松

韓子

紛紛易盡百年身舉世何人識道真力去陳言夸末俗

可憐無補費精神

一本作默默
誰令識道真

宰嚭

謀臣本自繫安危賤妾何能作禍基但願君王誅宰嚭
不愁宮裏有西施

郭解

籍交唯有不貲恩
漢法歸成棄市論
平日五陵多任俠
可能推刃報王孫

古寺

寥寥蕭寺半遺基
遊客經年斷履綦
猶有齊梁舊時殿
塵昏金像雨昏碑

越人以幕養花因遊其下二首

幕天無日地無塵
百紫千紅占得春
野草自花還自落

落時還有惜花人

二

尚有殘紅已可悲更憂回首祇空枝
莫嗟身世渾無事睡過春風作惡時

魚兒

遶岸車鳴水欲乾魚兒相逐尚相歡
無人挈入滄江去汝死那知世界寬

離鄞至菁江東望

村落蕭條夜氣生側身東望一傷情
丹樓碧閣無處所
祇有谿山相照明

信州迴車館中作二首

太白山根秋夜靜亂泉深水遶牀鳴
病來空館聞風雨
恰似當年枕上聲

二

山水漂搖卧弋陽因思太白夜淋浪
西窻一榻芭蕉雨
枕一作芭蕉西窻雨復似當時水遶牀

天童山溪上

溪水清連樹老蒼
行穿溪樹踏春陽
溪深樹密無人處
唯有幽花渡水香

鄞縣西亭

收功無路去無田
竊食窮城度兩年
更作世間兒女態
亂栽花竹養風煙

寄和甫

水村悲喜拆書看
聞道并州九月寒
憶得此時花更好

舉家憐女不同盤

寄伯兄

身留海上去何時祇看春鴻北向飛
安得先生同一飲
蕨芽香嫩鰾魚肥

別鄞女

行年三十已衰翁
滿眼憂傷祇自攻
今夜扁舟來訣汝
死生從此各西東

真州馬上作

身隨飢馬日中行
眼入風沙困欲盲
心氣已勞形亦弊
自憐於世欲何營

登飛來峯

飛來山上千尋塔
聞說雞鳴見日昇
不畏浮雲遮望眼
自緣身在最高層

讀漢功臣表

漢家分土建忠良
鐵券丹書信誓長
本待山河如帶礪
何緣菹醢賜侯王

詠月

追隨落日盡還生
點綴浮雲暗又明
江有蛟龍山虎豹
清光雖在不堪行

金山

怪祕陰靈與護持
重丹複碧煥參差
滄江見底應無日
萬丈孤根世不知

疊翠亭

煙籠遠浦迷芳草
日照澄湖浸碧峯
幸有清樽堪酌酹

忍陪良友不從容

默默

默默長年有所思
世間談笑強追隨
蒼髯欲出朱顏謝
更覺求田問舍遲

達本

未能達本且歸根
真照無知豈待言
枯木巖前猶失路
那堪春入武陵原

寓言二首

太虛無實可追尋
葉落松枝謾古今
若見桃花生聖解
不疑還自有疑心

二

本來無物使人疑
却為參禪買得癡
聞道無情能說法
面牆終日妄尋思

偶書

穰侯老擅關中事
長恐諸侯客子來
我亦暮年專一壑
每逢車馬便驚猜

揚子

千古雄文造聖真
眇然幽思入無倫
他年未免投天祿
虛為新都著劇秦

讀維摩經有感

身如泡沫亦如風
刀割香塗共一空
宴坐世間觀此理
維摩雖病有神通

春日即事

池北池南春水生
桃花深處好閒行
細思擾擾夢中事

何用悠悠身後名

贈安大師

獨龍岡北第三峯逋客歸來老更慵
敗屋數椽青繚繞
冷雲深處不聞鍾

送李生白華巖修道

白華巖主是金僊假作山僧學道禪
珍重此行吾不及
為傳消息結因緣

寄道光大師

秋雨漫漫夜復朝可嗟
部屋望重霄遙知宴坐無餘念
萬事都從劫火燒

示報寧長老

白下亭東鳴一牛
山林陂港淨高秋
新營棗棧我檀越
曾悟布毛誰比丘

紅梨

紅梨無葉庇花身
黃菊分香委路塵
歲晚蒼官纔自保
日高青女尚橫陳

鷓鴣

依倚秋風氣象豪似欺黃雀在蓬蒿不知羽翼青冥上
腐鼠相隨勢亦高

驢二首

力侔龍象或難堪屑比仙人亦未慙臨路長鳴有真意
盤山弟子久同參

二

雖得康莊亦好還每逢溝壑便知難由來此物非他物

莫道何曾似仰山

臨川文集卷三十四